

دائرة مخصوصه

درسمادتده باب على جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنوبه
قبول اولنور

درج ابدنه بن آثار اعاده اولنور

ديره، فلسفه، علوم، مفروض، ادبيات و سياسيات و باطامه كرك سياسى و كرك اجتماعى و مدنى احوال و شئونه اسلاميه و نه بحث ايد و هفته ده بر نشر از انور.

صاحب و مؤسسلرى :

درسمادتده نسخه سى ۵۰ پاره در

ابوالعلا زين العابدين - ح . اشرف اديب

آبونه بدلى

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۰۵	روبله
سائر ممالك اجنبيه	»	۱۷	۹	فرانق

تاريخ تأسيسى

۱۰ تموز ۳۲۴

قبرله دن مقوا بورو ايله كوندرييليرسه سنوى

۲۰ غروش فضله آلنير

دردنجى جلد

۱۲ ش بان ۳۲۸ پنجشنبه ۵ اغستوس ۳۲۶

عدد : ۱۰۲

— فاسلیلر بونلره تاقین افکاردن کری قالماقده درلر. فرانسزلرده آلمان وانکلز فکرینک یرلشمسینی قطعاً ایسته مکده درلر. فقط فاسلیلره کلنجه یالکیز فاس فاسلیلرک اولمی وفاس استقلالی هرشیدن امین بولنمی دیهرک چالشیورلر .

— فاسلیلرک مشروطیت وحکومت عثمانیه قارشو پرورده ایتدکری حسیات نه مرکزده در ؟

— فاسلیلر انقلاب عثمانی و مشروطیتی صوک درجهده تقدیر ایدهرک وشایان تقلید برانقلاب اولدیغنی لسان ستایشله سویلههرک ترکیانک ترقیاتی وقوتنک تزیایدنی هردائم آرزو وتمنی ایتمکده درلر که نتیجه سنده کندولرینک ده نائل فلاح ونجات اولمی آندن امید ایلکده اولدقلرینی بیان ایتمکده درلر .

بوراده ملاقاته نهایت ویره رک آیرلدم . شو محاوره فاسلیلرک ترکیا حقنده بسلیکری حسیاته بر نمونه تشکیل ایده جکشدن شایان لشکر در .

مطبوعات

۱۰ تموز مناسبتیه

عالم اسلامک ایشلی واک جدی غزته لرندن قریمده منتشر « ترجمان » . ۱۰ تموز مناسبتیه ، مطالعات آتیهده بولنیور :

عثمانیده حریت ومشروطیت ایکنجی سنه سنی اکمال ایله اوچنجی سنه دوریه سنه کیردی . شو ایکی سنهده عثمانیلرک بیوک موفقیتلری هیچ انکار اولنه ماز ؛ دشمنلریله بونی تصدیق ایدیورلر .

بوسنه هر سک وبلغارستان مسئله لری حل اولندی ؛ یمن وما کیدونیا بوزغلتی کوترلدی ، آوناوودلقده سلاحلر طوبلانیور ؛ آرناوودلردن نظاماً عسکر آلنیور ؛ باشسزلفه میدان برافلمیور ؛ استنباددن لذت آلمشیرک وبصیرتسز لکری ایله تجدد وتعالیدن خوف ایدنلرک حرکت ارتجاعیه سنه میدان ویرلندی ؛ تبعه خرسیتانییه تام حقوق ویریلوب بونلردن دخی عسکر آلندی ؛ جمله سی اولدقچه ممنون ، دولته وعثمانیلرله ربط ایدلدی ؛ اردو مکمل صورتده تنسیق ایدلدی ؛ بوکون آچلور ایسه حربه حاضر ۲۱ قطعه بیوک کچوک حرب کیملری میدانه قونلدی ؛ امور مالیه بر درجه بولنه کیردی ؛ آوروپانک اقتصادی و سیاسی امنیت ورغبتی فزانلدی . بونلر آز موفقیت دکلدلر .

بلغارستانک یاراماز لغندن بر آذربجی ایتدکدن صوکر سیاست عمومی خارجیه مزه کچهرک شویله دیور :

سیاسیات میداننده عثمانیلرک طوتدقلری موقع پک متیندر ؛ بی طرفدرلر . بونی طرفلرک محافظه سی اک کوزل بولتیقه اولدیغنی بوستونلرده چوق دفعه یازمش ایدک ؛ بودفعه فکر ونظر صرک تمامیه مصیب اولدیغنی استانبول غزته لرنده کوردک . دولت عثمانیه نک اوج دولت اتفاقیه اشتراک ایتدیکی روایتلرینی تکذیب ایدرک استانبول غزته لری وبخصوص « طنین » رفیقمر دولت علیه نک هیچ براتفاقیه اشتراک ایتیه جکنی آجیقندن آجیغه یازدی . اوت بویه لازمدر . فقط عثمانی قوتنک اوج دولت اتفاقیه کیرمه مه سی بونی استمیان سائر دولتلرک عثمانی حقوقنه تجاوز ایتمه مسیله مقیددر .

اوت ، عثمانی حقوقنه تجاوز ایتمه مه لریله ...

— فاس اردوسی افرادی مرد وشجیع واسلامیه محب کیمسه لردن متشکلدر . اردونک فعالیتنه صوک درجهده غیرت اولنمکده در . فاسلیلر قطعاً فرانسز تربیه سنه میل کوسترمیورلر . حتی فرانسزلره بر نظر نفرته باقمکده درلر . الجزیره قونفرانسی موجبجه فرانسهدن اوتوز معلم ضابط کوندرلش ایسهده فاسلیلر بوضابطلری اردویه یرلشدیر میهرک مرکزده تشکیل اولنان درت یوز کشیک برطابوره یرلشدیر مشلدر . کرک عسکری وکرک اهالیسی یدنده بولسان اسلحه صوک سیستم سریع آتشی تفنیکلدر . بونک ایچون فاس قوه مسلحه حالنده بر حکومندر ، دنیلسه مبالغه ایدلماش اولور .

— فاسده معارف نه درجهده در ؟

— ایسته بوسوالکزی نی آغلاده جق ، فرانسه مرکز مدنیت ومعارف اولدیغندن فاسده دخی معارفی ترقی ایتدیرمه سی ایجاب ایدر سدهده ایوم فاسده معارف نامنه هیچ برشی یوقدر . مع هذا امیر حاضر ایله قابینه معارفک وامور نافعنه نک واردونک ترقی وتکمیلی ایچون صوک درجهده ابراز مساعی ایلکده درلر . بونک ایچون بوکونارده حکومت بش ملیون لیرالق بر استقراض عقد ایتدی . بوباره مملکتک امور وخصوصات مهمه سنه صرف اولنه جقدر . مبالغ مستقرض ماضع لهنه صرف اولندیغندن فاس بر مدت صکره جهان غبطه بخش اوله جق درجه ترقیاته نائل اوله جقدر . زیرا فاسلیلر ترقی وتکمیلی آرزوایدن ذکی بر ملت افرادندن اولدقلرینی کوسترمکده درلر .

— امیر حاضر ایله امیر سابق آره سنده نه کی فرق واردر وبوباده اهالی محایه نک افکاری نه مرکزده در ؟

— امیر لاحق حسن نیت ایله فاسلیلرک ترقیسنه بذل مساعی ایدیور . هله ترکیایه قارشو بسلیکی حسیات قلبیه ورابطه اسلامیه باعث شکران بر درجهده در . امیر سابقک سفاهته قابلیش بر کیمسه اولدیغنی سویلکده درلر .

— فاسده بولندیفکر مدت ایچنده فاسک استقلالی حقنده نه کی بر فکر ایدینه بیلدیکر ؟

— فاسک استقلالی وحکومتی پایدار اوله جقدر . بونی اثبات ایتک ایچون ایکی نظریه واردر : برنجیسی فاسک موقع سیاسی نقطه نظرندن نه تقسیمه مساعد ونهده بر کیمسه طرفندن استیلاسی ممکندر . زیرا بوکا دولتلر طرفندن موافقت اولنه ماز . بوندن طولانی فاس حکومتی یشار واستقلالی محافظه ایدر . ایکنجیسی برنجی شقده ایضاح اولنان اسبابدن طولانی فاس حکومتی حالیه قاله جق وبوفرصدن بالاستفاده فاسلیلر ترقی وکسب قوت ایدرک کندی حقوقلرینی کندیلمی محافظه ایایه جکار ، استقلاللرینی محافظه موقوف اوله جقدردر . بوقوتنک تکمیلی ده ، اکر شمسیدیکی فعالیت وآرزو دوام ایدر س نه نهایت اون سنه صکره نتیجه لشمش اوله جنی استدلال اولنیور ، وعموم فاسلیلرده بونی آکلادقلرندن آکا کوره بذل مساعی وفکر ایلکده درلر .

— فاسلیلر آلمانیا ایله انکلتزیه قارشو نه وضعیته بولنیورلر ؟